

SANITÉ: Le dotur Aldo Marcocci é demez dai 26 de messé cina ai 6 d'agost y vëgn te so ambulatory sostitui dala doturia Arianna Pinazza.

SAN MARTIN Y LUNGIARÜ

Vigni döes edemes, le dedemesaledema, vëgnel tigní online na ora de reflexiun sön la Bibia con siur Sepl Granruaz. Menedi osta misciun e-mail a andrea.tasser@gmail.com che ves menará spo vigni iade le link por tò pert.

SAN MARTIN

En lönesc, ai 26 de messé, dales 20.00, él tl Istitut Ladin na reuniun por i voluntars dla Ciasa de palsa. Coche bele comuniché, vëgnel chirí porsones che se mët a desposiziun por sorvisc religiusc (sorvisc da mone, dí dant la corona, cianté, s'la cunté cun i ghesc, ...). Chi che á interes y dlaurela da daidé é dër nviá da jí ala reuniun, ince zënza s'anunzié danfora. Dilan!

LUNGIARÜ

I Seniors da Lungiarü é dër bel invia ala spazirada dla uniun a Bioch la domènia, al 01 d'agost domisdé. I s'abinun por les 15.00 sön plaza dan le hotel Sanví y jun spo por les vedles sèmenes passan por Ties y Plan. Dales 16.00 sarál tla capela de S. Maria da Lourdes na picia funziun. Sc'al é bel tēmp gnunse ince indò ite a pe y storjun pro tl hotel Sanví o tla Pizaria Fornata. Tignisse ales regoles Covid y tolésse do la mascherina!

La Uniun dles Ères invieia a gosté ite dala Ütia Ciampcios en jöbia ai 29 de messé. I s'incuntun dales 7.30 tla plaza dai auti de Pares por jí ite adöm. Cost 15 euro porom. Prenotésse cina ai 26 de messé pro Chantal 348 17 33 391.

Deache les incuntades dles families ite da Punt de Rù Fosch vëgn dër aprijades s'incuntunse vigni mertesc cina ala fin d'agost dales 15.00.

Mëssa por les families - La Uniun di èi y dles ères invieia duc en domènia, al 01 d'agost dales 11.15 a mëssa tla capela de Sant Ujöp sö Seres. Do mëssa é duc invia ite a Muntcörta a sté adöm. Vigni familia dess tò do da marèna.

Conzert dla Musiga da San Martin en jöbia, ai 29 de messé, dales 21.00 sön le paiun da San Martin. Da bur tēmp vëgn le conzert desdit.

De di Morins a Lungiarü: ai 28 de messé, ai 4 y ai 25 d'agost y al 1 de set.

Bëgnnüs a chësta Domènia de San Cristofe. Gejú nes chërda chiló adöm a formé súa comunité. I s'alegrun ch'i podun indò se möie y s'incunté. Te d'atri posc söla tera ól ester cotan deplü co ma l'autorisaziun da podèi s'abiné. Misionares y misionars y chi che dèida tles misciuns adora mesi de trasport da jí a ti porté la buna noela y aiüt ala jënt.

Cun nosc contribut podunse i daidé. Al vëgn partí fora scarnüc cun tee laite. Sciöche le tee adora ega lorènta da fá d'infora na boanda sana che tofa bun, insciö adora la buna noela y i valurs cristians nosta oferta por podèi lascé sintí súa buna saü y mené fora so bun tof.

L'offerta de San Cristofe é ince na buna ocasiun da desmostré nosta reconescënza por les poscibilités ch'i un da podèi se möie y por la fortüna ch'i un albü cun les mascins y i mesi de trasport. Dilan, Idí ves al paies!



www.valbadiaonline.it/comunite

Plata dles Ploanies San Martin y Lungiarü



ploan Klaus Sottsas 344 15 54 055 - klstossas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

25.07. - 01.08.21 nr. 35

17^a DOMÈNIA IA POR L'ANN B

Vangele do Jan 6,1-15

Canche Gejú â alzè i edli y odò ch'al gnò tan de jënt da d'ël, àl damanè Filipus:
Olâ désson pa cumprè pan por che chësta jënt ais da mangé?...
Filipus ti à respognü: Pan por duicènt denars ne tleca nia, sce vignun de chisc dess nen ciafè almanco n picé toch.
Un de sü discepui, Andrè, le fre de Scimun Pire, ti à dit:
Chilò él n picé môt, al à cin' pans d'orde y dui pësc;
mo cî é pa chësc por tan tröc!
Gejú à dit:Lascede che la jënt se sëntes jö!
Al ê dailò cotan d'erba.
Spo s'ài sentè jö;
al ê incër cinmîle èi.
Gejú à spo tut i pans,
à dit l'oraziun de dilan
y ti ai à partì fora ala jënt;
insciö àl ince fat cun i pësc.



Dala festa dLes Antlés l'ann 2019 sotlignâ papa Francèsch che tl vangele ne vëgnel nia baié de "moltipliché" mo de "partí". Gejú ne trasformèia nia 5 pans te 5.000 pans, mo al benedësc i 5 pans, reingrazièia Chël Bel Dî y mët man, confidan tl Pere, da i rumpí y da i partí fora.

Püch dedò dij le papa che nia "l'avèi" mo "le dé" é fundamental tl cristianejim. I un tles gofes, ti armá, te nos, cotan deplü da dé ca co ch'í ne minun. Sc'al röia ciamó lapró nosc sforz y la fidënza te Chël Bel Dî, spo pól gní a s'al dé ch'al tleca, che duc ciafa ci ch'ai á debojëgn.

EDEMA	SAN MARTIN	LUNGIARÛ
25.07.21 <i>San Iaco, apostul</i> 17^a DOMËNIA - ann B Domënia de San Cristofe	9.00 Corona 9.30 Gran Mëssa por la comunité cun benedisciun dl tëmp en onur de Sant Antone y San Cristofe dl ann + suor Iustina Pescollderungg + + Alfred y Erica Videsott	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de S. Ojöp Fr.
26.07.21 Lönesc <i>Iachin y Ana</i>	7.30 Prozesciun da S.Linert sö La Crusc 9.30 Mëssa y prozesciun eucaristica	7.30 Prozesciun da S.Linert sö La Crusc 9.30 Mëssa y prozesciun eucaristica
27.07.21 Dedolönesc <i>Nazar, Natalia</i>	19.00 Mëssa + Ida Dejaco + Corrado Castlunger, Roder	
28.07.21 Dedemesaledema <i>Vitore, Benno</i>		7.30 Mëssa + + Serafin y Emma Clara + Vito Clara
29.07.21 Jöbia <i>Marta da Betania, Flora</i>	7.30 Mëssa vis y def. families Prousch y Perathoner de ringraziamënt Corona por Vocaziuns	
30.07.21 Vëndres <i>Pire Crisologh, Leopold</i>	18.30 Adoraziun chîta 19.00 Adoraziun deboriada	7.30 Mëssa + + dles families Angel y Clara Ferdigg y fam. Loise Frenademez + + Heinrich Frenademez y Luca Schuen
31.07.21 Sabeda <i>Ignaze da Loyola, Hermann</i>	20.00 Mëssa prefestia ringraziamënt y suplica por le sazerdoze + Pire Erlacher + Pire Unterweger	18.30 Mëssa prefestia de rengr. fam. Berto y Lidbina Clara, Fornata + Pire Clara, Paur + + Giovanni y Herta Clara
01.08.21 18^a DOMËNIA - ann B Domënia dla Porziuncula	9.00 Corona por vocaziuns 9.30 Gran Mëssa por la comunité cun benedisciun dl tëmp de ringraziamënt por les Püres Animes + + Frenner, Pespach vis y def. familia de Hilda Sottara	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de S. Ojöp Fr.



Gejú Crist,
 t'es tl pan pro me,
 te m'implësces deplëgn,
 t'es spëisa por me,
 chë spëisa ch'i adori da vire,
 che dá forza y gaerzia,
 vita por me.

Gejú Crist,
 t'es tl pan pro me,
 scincunda de Dî,
 löm dl monn,
 fontana dla vita,
 tru da jí dal Pere,
 vita por me.

Gejú Crist,
 t'es tl pan pro me,
 te nes das comuniun y ligrëza,
 speranza y fidënza,
 te nes liëies a Chël Bel Dî
 y cun la jënt,
 vita por me.

W. Pixner